

Na osnovu člana 22 Statuta Brčko distrikta BiH («Službeni glasnik Brčko distrikta BiH», brojevi: 1/00, 4/00, 7/04, 20/05, 24/05 i 3/07), člana 14 Zakona o javnoj imovini u Brčko distriktu BiH («Službeni glasnik Brčko distrikta BiH», broj: 28/06), člana 45 Poslovnika Skupštine Brčko distrikta BiH – prečišćeni tekst («Službeni glasnik Brčko distrikta BiH», broj: 11/03) i Prijedloga odluke gradonačelnika broj: 01-014-008821/07 od 4. 5. 2007. godine, Skupština Brčko distrikta BiH na 48. sjednici održanoj 9. maja 2007. godine donosi:

ODLUKU

O RASPOLAGANJU IMOVINOM DISTRIKTA KROZ SPECIJALNU POGODBU ZGRADE STAROG BIOSKOPA «OSLOBOĐENJE»

Član 1

Utvrđuje se da je od javnog interesa za Brčko distrikt BiH raspolaganje imovinom Distrikta na način da se kroz specijalnu pogodbu ustupa na korištenje Evropskom centru za javno pravo iz Atine (European Public Law Centar, Athens) zgrada starog bioskopa "Oslobođenje" u Brčkom, koja se nalazi na zemljištu, označenom kao k. č. br. 265, upisana u p. l. br. 1843 k. o. Brčko 1, posjednik Brčko distrikt BiH, s dijelom 1/1, koje po starom premjeru odgovara zemljištu, označenom kao: k. č. br. 8/191, k. č. br. 8/35 i dijelu k. č. br. 8/33, upisane u zk. u. br. 1993 k. o. Brčko, Općenarodna imovina, s dijelom 1/1, bez tereta.

Član 2

Zgrada starog bioskopa "Oslobođenje" ustupa se bez naknade na korištenje Evropskom centru za javno pravo iz Atine na period od 10 godina uz mogućnost produžetka ugovora.

Član 3

U skladu s Memorandumom o razumijevanju, zaključenim 23. 11. 2006. godine između Brčko distrikta BiH i Evropskog centra za javno pravo iz Atine, osnovat će se nacionalna škola za javnu upravu u Brčko distriktu BiH, koja će za predstavnike javne uprave i sudije iz Distrikta organizovati obuku iz oblasti upravnog prava i nauke (nacionalne, komparativne i evropske).

Član 4

Brčko distrikt BiH i Evropski centar za javno pravo iz Atine investirat će po 100.000 € u svrhu obnove objekta, koji se daje na korištenje, kao i za nabavku neophodne opreme za funkcionisanje nacionalne škole za javnu upravu u Brčko distriktu BiH.

Nakon završetka radova na sanaciji zgrade, Distrikt će preuzeti punu odgovornost za troškove održavanja objekta, povezivanje na javne usluge i iz toga proistekle troškove, kao i za sve takse, lokalne i državne, uključujući troškove za komunalne usluge, struju i dr.

Član 5

Nacionalna škola za javnu upravu u Distriktu, u periodu koji je naveden u članu 2 ove odluke, funkcionisat će pod akademskom i administrativnom odgovornošću Evropskog centra za javno pravo iz Atine, a u skladu s potrebama Distrikta, koji će biti zastupljen u upravnom odboru nacionalne škole za javnu upravu, s pravom glasa o svakom pitanju u vezi sa radom nacionalne

škole, s tim da će se naučni program rada nacionalne škole izraditi u saradnji s Distrikтом prije nego se podnese odgovarajućim organima Evropskog centra za javno pravo iz Atine.

Troškovi i naknada za rad naučnih radnika i profesora koje angažuje EPLC u svrhu obuke polaznika nacionalne škole snosit će EPLC.

Član 6

Nekretnine koje su predmet specijalne pogodbe, Evropski centar za javno pravo iz Atine ne može opterećavati niti otuđiti.

U slučaju da Evropski centar za javno pravo iz Atine ne ispuni obaveze, dužan je predmetne nekretnine vratiti Brčko distriktu BiH.

Član 7

Prava i obaveze u pogledu ustupljenih nekretnina, Brčko distrikt BiH i Evropski centar za javno pravo iz Atine će regulisati posebnim ugovorom.

Član 8

Za provođenje ove odluke zadužuju se Odjeljenje za prostorno planiranje i imovinskopravne poslove, Odjeljenje za obrazovanje i Odjeljenje za stručne i administrativne poslove, za poslove iz svoje nadležnosti.

Član 9

Ova odluka stupa na snagu danom donošenja i objavit će se u „Službenom glasniku Brčko distrikta BiH“.

Broj: 0-02-022-55/07

Brčko, 9. maja 2007. godine

PREDSJEDNIK
SKUPŠTINE BRČKO DISTRIKTA BiH
Prof. dr. Milan Tomić, s.r.